

Zeitschrift: Schwyzerlüt : Zyschrif für üsi schwyzerische Mundarte
Band: 8 (1945-1946)
Heft: 10-12

Artikel: Vier Gedicht vom Albin Fringeli
Autor: Fringeli, Albin
DOI: <https://doi.org/10.5169/seals-181070>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Siehe Rechtliche Hinweise.

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. Voir Informations légales.

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. See Legal notice.

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

Vier Gedicht vom Albin Fringeli

Chumm lueg . . .

Chumm emol my Lang cho luege,
Wenn s im schönschte Bliejet stoht!
Wenn uss jedem Baum und Hürschtli
Liecht und Duft dur d Matte goht.

Chumm emol my Lang cho luege,
Wenn vom letschte griene Hag
Obs un Beerli füre zünge,
Glänzig wie am Hochzytstag.

Chumm emol my Lang cho luege,
Wenn s tuet schlöfe tief im Schnee ...
Un denn gang i d Wält goh sueche,
Epp de Schöners no chausch gseh!

Freiji Heimet!

Das isch my alte Heimatlang,
Mit Hübel, Wald und Bäch.
Es pfyfft drdur ne ruuche Wing,
Dä hertet alli öisi Ching
Und bhaltet alli chäch.

Es isch ghei Lang für Heerelüt,
s sy all vom glyche Holz.
I mach gheim Frönde d Reveränz,
Was frog i doch nom Hans und Bänz,
Bi bloß uff d Heimet stolz.

Si gitt mer jede Tag my Brot
Und luegt mi fründlig a.
Un wachst ne Uchrutt vor em Huus,
So ryß is währli gleitig us . . .
I bi ne freije Ma!

Das isch my alte Heimetlang !
Gottlob, s blybt eister s glych !
Epp rych, epp arm, das plogt mi nit;
So lang s ne freiji Heimet git,
Bin ig im Himmelrych !

Hei

Wyt i d Wält, wyt über d Bärge
Ziehts mi eister wider furt.
Wott my Glügg ne Mol goh finge,
Wott mit angre Lüt goh singe
s schöne Lied, wo ebiger duurt.

Ha deheim gnue ghöre brichte,
Wie me nanger hälfe sell,
Ha se gseh uff s Chrättli schieße,
Tie s mer nit no d Türe bschließe,
Un drhinger schlöft mi Gfell !

Wyt i d Wält, wyt über d Bärge !
Mueß s mer dört nit besser goh ?
Gitts ächt nit ne Plätz uff Aerde,
Wo dr Mensch cha glügglig wärde,
Zfride, buschber, groß und froh ?

Dobe vo de höchste Bärge
Lueg i still my Heimet a,
„Chumm doch hei!“ tönts us de Chräzz-Trotz!
Blyb eister bi de Chäche! [che!
Gang gradus unstell dy Ma!“

Heimetschutz

Mueß denn öusi schöni Heimet
Wieschi Plätz und Bülle ha ?
Dur e Wald ne breite Chräbel,
Wo nie rächt verheile cha ?

Näb dr Stroß ne tiefi Gruebe.
Wurzle gwaggle wild im Wing !
Arme Baum ! Er suecht vergäbe,
Epp er no ne Plätzli fing.

Jede Würmli tuet si chrümme,
Wenn s em ruuch uff s Läbig goht.
Öusi Heimet, die mueß schwyge,
Wemm re tiefi Bräschte schlöht.

Langsam heile alli Flähre,
D Heimet wird vo sälber gsung,
Doch dr Ploggeischt chunnt cho
Bättlet um ne Bitzli Grung. [gryne,